

漢魏六朝百三家集

晉王右軍集卷之二

晉瑯琊王羲之著

明太倉張溥閱

方回帖

郝愔字方回見前

方回遂舉爲侍中不知卒行不云相意未許爾者爲佳比得其書云山海間民逃亡殊異永嘉乃以五百戶去深可憂深可憂此間不乃至此足下郡內云何糧遲日廣遠恐此不弊不已

又

方回遂舉爲侍中。都下書云：殷生議論殊異處憂之道。故思同歲寒。盡對此書還。

又

二謝在此。近終日不同之。此歎恨不得方回知。

春後問。令人怛怛。

之一作同。春施作幸幸。

重熙帖

郝曇義之

字重熙。鑒之子。妻曇之姊也。

古之御世者。乃志

小天下。今封域區區。一方任

耳。而恒憂不治。爲

時耻之。但令卿重熙之徒。必

得申其道。粗佳。

又

昨得熙廿六日書云患氣懸情

二帖所云熙未必爲重熙也

嘉賓帖

郗超字嘉賓

數親問叔穆嘉賓竝有問爲慰

郗帖

想彼人士平安二郗數

缺

也敬豫諸人近來停

數日悉佳安日已南遷其諸兄弟此收殊令蕭

索聞君以復入相府何時當應命未得坐處亦

當愁罔思得爲鄰豈常情恐君方處務此命難

期如之何。不一。小佳。復意問也。
姊適復。工告安和。郗故病篤。無復他治。爲消息。
耳。憂之深。今移至田舍。就道家也。事畢。當吾遣
信。視淑還。母子平安。爲慰。至恨不得暫見。故未
得下船。道夷書云。已得一宅。想今安穩耳。不政
解此移趨。知部兒不快。何所在。今已佳也。耿耿
信白。

荀侯帖

荀羨領兖州刺史。鎮下邳。討
慕容蘭。斬之。卽前書所云也。

遠近清和。士人平安。荀侯定住下邳。復遣軍下城。此間民事。愚智長歎。乃亦無所隱。如之何。又須水雨。以復爲災。卿彼何似。

又

荀侯佳不。未果就卿。深企懷耳。安好音信。明公還得歸洛也。計令解有懸休尋。

明公還劉釋作那可遇好一作

西、

謝仁祖帖

謝尚字仁祖。○二王作還鎮帖。

在我而已。誠無所多。云與謝豫州共入河。不乃

煩劇得安萬送書云六日可至。諸賢云朝廷失之。轉覺闕然。與卿書同。不有君子其能國乎。此言深也。但云卿當入。何以如夢。恐卿表將復經年。想仁祖差時還內鎮。慰人情耳。皆在卿懷矣。
二王帖首云得安口矣。書云云入作人。與卿書旁注四字。

又

想官舍佳。見護軍近書甚慰。仁祖轉嘉然疾根不除。尚令人憂。復得問未復。反書甚慰。入月其至。窟山看甘橘。思君宜深。想鐵已還。旦夕展也。

故復旨示義之報

又

忽然夏中感懷冷冷不適足下復何似耿耿吾
故不佳得遠近問不虞生何當來遲一集昨見
無奕十九日書二十六日西也云仁祖服石散
一齊不覺佳酷羸至可憂力知問王羲之書白

又

君頃復以何散懷鐵云秋當解褐行復分張想
君比爾快爲樂彥仁書云仁祖家欲至蕪湖單

三石齋集
卷二
弱令傳何所成君書得載停郡迎喪甚事宜但
異域之乖素已不可言何時可得發

安石帖

安石定目絕令人悵然一爾恐未卒有散理期
諸處分猶未定憂縣益深念君馳情又遣從事
發遣君無復坐理交疾患何以堪此何以堪此
恐屬無所復厝懷卽乖大小不可言且憂君以
疾他曳不易

萬石帖

適萬石去月五日書爲慰尋得彭祖送萬九日
露版再破賊有所獲想足摧寇越逸之勢宜適
許司農書爲慰無人未能得重故向餘杭間

又

若治風教可弘今忠著於上義行於下雖古之
逸士亦將眷然況下此者觀頃舉厝君子之道
盡矣今得護軍還君屈以申時立平頃命朝有
君子曉然復謂有容足地常如前者雖患九天
不可階九地無所迺何論於世路萬石僕雖不

敏不能期之以道義。豈苟且若復以此進退。直是利動之徒耳。所不忍爲。豈苟且有二句。未云所不以爲。

昨暮得無奕阿萬此月二日書甚近清和耳。羌賊故在許下。自當了也。桓公未有行日。阿萬定缺。
吳興

又
產婦兒萬留之月盡遣甚慰心。

又

向亦得萬書，委曲備悉，使人慨然。見足下乃悉知叔虎剋昨發，月半略必至。未見勞叅軍，其書

又

三月十六日義之白：一昨省不悉，雨快君可不萬石轉差也。灸得力不，不得後問。懸悵不知懷君云當有旨信，遲望其至。僕劣劣，故遣不具，還具示王義之。

知一作去，具施作乙乙。

謝光祿帖

謝光祿亦垂命，可憂念念。一朝奄忽，傷人懷今。

年彫落可哀歎

二謝帖

二謝致喪與公近便索然立度來數日有疾患
便復來阿萬小差阮公政耿耿懷祖可呼賀祭
酒俱

三民又六日

得袁二謝書具爲慰袁生暫至都已還未此生
至到之懷吾所盡也第預須遇之大事得其書
無已已二謝云秋未必來計日遲望萬羸不知

必俱不知弟往別停幾日決其兵爲樂也尋分
旦與江姚女和別殊當不可言也

謝生帖

得書知足下且欲顧何以不進耶向與謝生書
說欲往知登停山停山非所辯故可共集謝生
處登山可他日耶王羲之白

又

謝生多在山下不復見且得書疾惡冷耿耿想
數知問雖能還不能數可歎不審比出日集聚

不一爾、縹然恐東旋未期、諸情罔罔、

上流近問不竟、何日卽路知謝、定出居內所弘、故重

王逸少頓首謝七日登秦望可俱行當早也

又

知欲東先期共至、謝欲處云何欲行想忘耳、過此如命

又

謝書云云今送

謝司馬帖

十一月廿七日羲之報得十四十八日二書知
問爲慰寒切此各佳不念憂勞久懸情吾食至
少劣劣力因謝司馬書不具羲之報

玄度帖

君昨示欲見穆生敘讚今欲默語興廢之格粗
當書爾不玄度好隹君謂何似

又
知玄度在彼善悉也、無繇見之、此何可言、

又

見君小大佳、不過此、乃知熙佳覺少不得同、萬
恨萬恨云、出便當西、念遠別何可云遲、見玄度
今或以在道、

又

未得安西問、玄度忽腫至可憂慮、得其昨書云
小差、然疾候自恐難耶、